

吳興藝文補

吳興藝文補卷之七十目錄

補遺

馮輓

沈令

時升

有造舟之役將伐慶安寺

在慈溪

右松

遺詩止之

唐珙

題王逸老書飲中八仙歌

吳中

賦五峯屺上人松室

清遠軒爲吳興薛希賢賦

題吳興沈氏士備巽齋

遊弁山避洞時庚辰四月七日玉壺老人同往

題吳希冉所藏錢舜舉溪山卷

題許生卷

讀翰林吉士楊宗勗寄吳興故舊詩漫成一首

以美之  
宗勗名彪寄貫南畿登第

丘言

范文機金斗別業

韓介王文仁長江萬里圖

登鼓樓

林子山漁翁濁足圖

曾榮

贈筆者陸繼翁

題松雪十駿圖

胡儼

題子昂新篁戴勝圖

題趙仲穆畫

莫昌

爲許真人題黃一峯吳山玄隱圖

于慎行

吳郎歌送翁晉北遊京師

東園延吳翁晉病不能陪

陸君弼

吳興吳夢陽

沈瓊蓮

寄兄

宮詞 八首

黃衷 號鉄橋 正德六年郡守

登道場山

宴浮碧亭

答孫太初夜訪 二首

送何繼善出守湖州 何繼善名顯弘治末郡守

錢琦

經孫太初墓

閔如霖

題坦翁神樓圖

觀碧巖泉

朱日藩

神樓一何峻

七解爲  
劉南坦

孫梧

哭徐子與

三首

王思先

古意

畫龍

陳曼年

寄贈銅壁黃山人

元日

王繼志所居曰無夢洞天題贈

四首

小憇歸雲菴次陳石舟韻

游黃龍洞

蔡善繼

送心下上人攜經入峩眉并柬石機師

春日園居



弔孫大初墓

山人有  
掛瓢堂

訪韓求仲於庚村山居

賀燦然

茗上逢陳庚老

二首

對酒行贈吳子野

盧舜治

程六水過艸堂寫余小像

陸中山桑苧園

詩餘

沈與求

浣溪沙

和鄭慶集雪中作之二

李商隱

浣溪沙

題艸窓詩詞卷後

周紫芝

雨中花令

吳興道中頗厭行役作此曲寄武林文舊

趙彥端

瑞鶴仙

餞交代沈公雅臺山寺作

念奴嬌

建安餞交代沈公雅

張雨

木蘭花慢

已未十月十七日壽溪月真人

又

龜溪寄張小山

梧葉兒

贈龜溪醫隱唐茂之二首

李應禎

天仙子

題趙仲穆蘭二首

張翥

高陽臺

題趙仲穆作野雲居士山水便面

滿江紅

錢舜舉桃花折枝

孤鸞

題錢舜舉仙史  
梅下吹笛圖

感皇恩

題趙仲穆畫  
凌波水仙圖

倪瓚

憶秦娥

并序

雁峯劉氏

沁園春

景炎丁丑爲軍所挾經  
長興和平酒庫題于壁

王國器

踏莎行

香奩  
八咏

陳敬則

點絳脣

山行

南柯子

山居野集

陳曼年

浣溪紗

朝中措

董斯張

疎簾淡月

山居爲韓仲弓作

桃源憶故人

采桑

好事近

竹溪寒流

沁園春

報國寺倡放生社

漢家傲

西余

吳興藝文補卷七十目終

藝文補

卷之七十目次

吳興藝文補卷之七十

烏程

閔元一周康侯補遺

韓昌箕仲弓較定

沈令

時升

有造舟之役將伐慶安寺

在慈溪

古松遺

詩止之

馮輓

寒松一榦老蒼蒼古寺門前歲月長  
匠伯偶圖舟楫利禪翁方患斧斤傷  
得全此日同齊口勿翦他年比召棠  
可但與君期久遠相將俱列大夫行

題王逸老書飲中八仙歌

唐 珙

前朝書法孰爲盛蘇黃米蔡得其正法度難以晉魏論  
氣象可與歐虞並宣和金書類臣稷筋骨通神工瘦硬  
大江南來萬幾暇翰墨留神縱天性驅馳羲獻走顏柳  
神遊八法輕萬乘昭回雲漢飛龍章幹旋天機揮斗柄  
長槍大劒竟何用恢復有志還未定太平遺老羔羊翁  
草書時時發清興天資自可凌汗漫筆力猶能造遒勁  
年來神品不可得醉素張顛誇草聖殘編斷簡付覆缶  
玉軸牙籤同棄甌摩挲故紙歎凋落老眼昏花猶可認



案頭我正理齋魚睛日好風窓几淨

賦五峯岬上人松室

吳中

城西山水鄉五峯爲勝處蒼蒼萬松合鬼神恒守護  
玆師修何行得此縛茆住法相共高寒僧牕同永固晨興  
旣掃葉晚憇或倚樹碧水潤袈裟清陰生坐具定回明  
月上詠罷幽雲聚庭虛子時落窓靜香微度神龜床下  
伏老彌欄間哺茯苓禪悅味永雪斲已屢吾生素寡澹  
方外多緬慕終當宿招提悉遣心境悟試弊趙州茶還  
分懶殘芋

清遠軒爲吳興薛希賢賦

吳中

吳興有佳士姓名聞已舊云是少保孫皎皎風姿秀平  
生向幽雅不爲聲華誘今茲成小隱美矣真良構高牕  
瞰澄淵危檻挹遙岫時邀天外雪更看樹邊溜搏桑曉  
色微華嶽秋容瘦霜鐘度寒宵風遂弄晴晝鵲鸛適何  
來孤雲偶相逗條然此中興佳處浩難究因之作圖畫  
落筆萬峯就烟嵐生研席翠氣染衣袖乃知賢俊者才  
德有兼懋我欲蕩舟尋君當擁琴侯

題吳興沈氏士傅巽齋

吳中

武陵郡守當承平相對江山成巽亭東坡仙翁曾此飲

尚餘篇詠含芳聲  
竭來喜見吳興士  
雅志平生在山水  
小齋新扁偶相同  
也知欲擅東南美  
東南勝境如畫圖  
玉壺空清天下無  
道場樓臺跨霄漢  
浮圖屹立高標孤  
鳳凰金蓋尤妍麗  
雨過峯巒如積翠  
萬家烟樹綠連城  
飛鷺浴鳬斜照裏  
夫君何緣得此居  
花竹滿庭窓戶虛  
已聞丹青入神妙  
快意更讀床頭書

遊弁山避洞時庚辰四月七日玉壺老人同往

吳中

我生曠蕩無定期  
漫愛山水相娛嬉  
只今行年過六十

秋霽已覺侵須眉便合時時開笑口不待凋零等蒲柳  
况遇風流鄭廣文美酒一壺詩百首放舟迤邐來東莊  
弁山佳處同相羊青鞵布韞屨步遠爲具餚饈充行裝  
天晴澗道松風小一派清泉自流遶繽紛空翠襲人衣  
倚杖顧瞻厓谷窈層巒疊嶂互逢迎白石如羊還可烹  
中有名僧住蘭若啓關出迂言談清忻然領客造岩洞  
洞口陰陰寒溜凍已知幽閼莫窮探聊伴仙翁駐遊鞚  
塵埃滿抱今已傾虛堂坐聽黃鸝鳴松花蜜餅設清供  
昭之令人忘俗情興來更欲暫離去白日西飛何急遽

翩翩歸袖出烟霞恍如鴻鵠空中舉涉世由來憂患多  
難逢歡會飲微醺癡兒無事不爲樂柰此綠陰清晝何

題吳希冉所藏錢舜舉溪山卷

吳中

客字希冉其姓吳好古習淡非常徒清晨叩門出迎趨  
手持茗溪新畫圖丹青此筆誰所摹把玩不啻探明珠  
長安道寧俗且麤東吳顧陸可竝驅當時盤礴意趣殊  
衆史鵠立應長吁鷗波亭前艇子孤青衣搖搖載酒壺  
中有丈人蒼眉須高興似欲遊南湖南湖人家一事無  
丹楓碧樹秋數株筆床茶竈琴碁俱往來賓客皆仙儒

羲皇之風足自娛落落肯受塵埃汗我生亦當保微軀  
殘山剩屋從此租永作白叟漁樵夫

題許生卷

吳中

吾聞馱蹏墮地走七日卽能超其母今之許生無乃是  
總角俊逸誇人口懸知異時更秀拔丹青美筆手已滑  
下箬溪頭舊草堂興來滿筆烟雲發

讀翰林吉士楊宗勗寄吳興故舊詩漫成一首以

美之

宗勗名勉寄賈南畿登第

吳中

年少瀛洲客題詩咳唾間春明瑣闥靜晝永玉堂閑已

逼王摩詰寧愁庾子山何時茗水上見爾錦衣還



范文機金斗別業

丘吉

山頭捧出黃金斗，朝暮晴雲舞蒼狗。  
下有夏屋幽人莊，春麥秋禾五千畝。  
蔬畦藥圃垣西東，紫芽紅甲迷春風。  
飛泉落地走珠玉，古藤泊樹蟠蛇龍。  
幽人開徑接輪鞅，結社論詩呼酒黨。  
紅膏秋凍紫蟹筐，玉脂夜泣青熊掌。  
烟雲鄉裏青春長，紫芝覆地芒鞋香。  
德裕平泉山水合，王維輞川圖畫張。  
幽人別墅農家伍，牧笛農歌雜村鼓。  
我有長鑣能耦耕，亦欲租田向溪澣。

韓介王文仁長江萬里圖

丘吉

昌黎孫子文斂甥椽筆到手驅風霆墨花落紙忽變化

頃刻萬里長江橫天丁下天運天斧鑿破青山闢坤戶

岷峨之水不可關放出三巴向南楚巫山十二青螺鬟

瑤姬夢落烟蘿間虎鬚龍脊屈曲渚白鹽赤甲參差山

地接江陵一流水嵐光不斷三千里神蛟舞波雲作髻

怒鯢鬪石風爲齒三湘烟水逶迤開回看五老雲中來

彭郎撫手小姑笑鐵船不動青牛推采石春波潑晴淥

鍾山王氣扶金屋鐵甕門開滄海咽金焦尾挿蓬萊足

春光一幅蠶蠻柔咫尺包括乾坤秋不用余皇鼓長柁

與君坐作烟波游

登鼓樓

丘吉

百丈高樓香漢間  
登臨詩思落塵寰  
吳淞東去皆連海  
天目西來摠是山  
霜露五更催鼓角  
關河千里控荆蠻  
憑闌手可扶紅日  
惟待剛風送珮環

林子山漁翁濯足圖

丘吉

半黃汀樹飽秋霜  
相約移舟載夕陽  
濯足不知天地老  
西風吹得鬢蒼浪

贈筆者陸繼翁

曾 棨

吳興筆工陸文寶製作不與常人同自然入手造神妙  
所以舉世稱良工有時盤礴坐軒中石盤水清如鏡空  
山中老兔蛻毛骨簡拔精銳披蒙茸平原霜氣在毫末  
水面猶覺吹秋風製成進入蓬萊宮紫花瓊管飛晴虹  
九重清宴管宸翰五綵絢爛皆成龍國初以來稱絕藝  
光價自此垂無窮惜哉文寶久已死尚有家法傳繼翁  
我時得之一揮灑落紙欲判詞塲鋒棗心蘭蕝動光彩  
衆尾雞距爭奇雄竭來得此扈仙蹕欲補造化難爲功

夢中無人授五色安得錦繡蟠心胸開來書空不成字  
縱有篆刻慚雕蟲幸今太平重文學玉堂金馬多奇逢  
莫言盛世少知己爲我寄謝管城公

題松雪十駿圖

曾 棨

最前二馬浮波裏首如渴烏身在水就中一疋連錢驄  
軒然却立何其雄傍有一疋色殊絕粲如桃花點白雪  
風駿霧鬣獨超騰鳳臆龍鬚驚半沒後有四疋飲且行  
毛骨總是房之精霜蹄踏波碧玉滑駿尾蕭梢如有聲  
奚官驕騎白鼻駒黑雲滿身飛墨花最後驊騮不肯渡

似恐蘭筋趁流去老髯回盼控青絲至今却立沙堤路  
通知松雪筆入神點染此圖深逼真忽然見馬不知畫  
五花照耀波粼粼君不見穆王八駿遊天下唐家十駿  
何爲者曾記西遊駿不行空對妖環泪如瀉

題于昂新篁戴勝圖

胡儼

新篁雨洗淨涓涓戴勝飛來毛羽鮮臨罷蘭亭修禊帖  
又將涓思寫黃筌

題趙仲穆畫

胡儼

馬上雕弓弛不開西風樹底少塵埃草深狐兔無蹤跡

按轡靜鷹歸去來

爲許真人題黃一峰吳山玄隱圖

莫昌

黃公畫絕癡尤絕絕似當年顧虎頭樓閣參差開海嶠  
烟霞縹緲護丹丘清溪夜雨桃花水古渡春風竹葉舟  
便欲學仙從許掾洞天真境共遨遊

吳郎歌送翁晉北遊京師

于慎行

舊知吳郎多不識吳郎面長帆忽卷大江雲炎風五月  
來相見披衣倒屣開我關舉杯熟視成潺湲身如海鶴  
目巖電恍然再對吾師顏謂我垂髫稱國士于今垂白  
棲空山生死淒涼知己報南望其如路阻艱吾師當日



詩名起後駕方稱王與李庭前秀出瓊樹枝復向騷壇  
執牛耳源泉萬斛瀉胸中風雨千重飛筆底能以遺形  
貌古人還將學步嗤餘子白眼睛知禮法疎神心不受  
風塵滓北遊一泊汶陽船小穀城東寄數椽幾回暝色  
來新漲幾夜秋聲聽早蟬仰天擊劒舍我去又向長安  
大道邊昭王臺畔金精拄鄒衍宮前海氣懸弔古應歌  
明月塞憂時欲賦帝京篇江南才人滿人口目中如君  
不數有有衣莫染洛陽塵有錢莫買新豐酒漢庭公卿  
多世交燕市屠沽非素友君王正起通天臺子虛上林

出君手男兒七尺遇有時安得奇才兵不偶歸來爲我一掃岱峯雲夜看海中赤丸跳如斗

東園延吳翁晉病不能陪

于慎行

郊園常不到客席欲凝塵正喜軒車過翻將藥褰親竹陰堪受暑花氣尚疑春座上南山色聊憑代主人

病起從吳翁晉郭汝承遊南溪亭上

于慎行

甚小幽棲地能令二妙從文中吳季重名下郭林宗解髮臨高澗浮杯望遠峯本因行樂至燕笑及聞鐘

吳興吳夢暘

陸君弼

之子美結撰卓犖名下士雄才無不包上軼楊馬軌旁  
獵六代還咀玄吐其滓俛仰宇宙間含情俟知己斯道  
如江河汨汨將靡止市門張咸池何能諧里耳飄風激  
飛藿天寒衆芳已惠思平生言落日照江水

寄兄

沈璣蓮

踈明星斗夜闌珊玉貌花容列女官風逝鳳凰天樂近  
雪殘鳩鵲曉樓寒昭儀引 駕臨 丹宸尚寢薰爐爇  
紫檀蕭蕭六宮懸象魏春風前殿想鳴鸞

宮詞

沈璣蓮

香霧濛濛罩碧窓青燈的的燦銀缸內人何處教吹管  
驚起庭前鶴一雙

倦把青絨繡紫紗閣針時復卜燈花明朝 太后長生  
誕可有恩波遍及麼

荳蔻花封小字緘寄聲千里落雲帆一春從不尋芳去  
高疊香羅舊賜衫

天子龍樓瞥見粧芙蓉團殿試羅裳水風涼好朝西坐  
專把書經教小王

曉臨鸞鏡整梳粧高髻新興一尺長花影瑣窗人下直  
開籠自放雪衣娘

明窓斐几淨爐薰閒閱仙書小篆文畫永簾垂春寂寂  
碧桃花映石榴裙

海東青放渡遼烟天上羣鷺得自專  
勅諭鷹坊高索

價 聖王廿載絕遊畋

蘂柳青青燕子愁萬條齊水弄春柔東風不與閒人贈  
誰去江南水上洲

甲戌嘉平得陳庚老手抄 國朝湖人詩復輯此瓊

蓮字瑩中弘治間官女學士寄兄凡二碧里雜存載  
其一作送弟溥且以沈爲周誤耳譚以爲 永陵沈  
太妃亦誤

登道場山

黃衷

木杪垂虹石徑橫  
蔥青隱約見飛甍  
蒼烟近帶羅山秀  
紫氣遙含震澤晴  
何代高禪聞伏虎  
有時清梵接啼鶯  
暫來不爲乘幽興  
道是春畬蚤已耕

宴浮碧亭

黃衷

亭前古柳斷烟疎  
亭後長松委逕餘  
花近珊瑚春掩映  
月臨珠浦夜清虛  
東山舊望題詩在  
南郭幽期放吏初  
却見高城分井邑  
幾家燈火遂攸居

答孫太初夜訪

二首

黃衷

太華山人夜泛湖西風吹過藕花居扣門已值梵鐘定  
呼酒不來村店踈自振初衣聞杜若偶尋奇跡問樵漁  
迴船倒壓星河影絕勝浮槎上碧虛

吳越高人道姓名何年飲露得身輕暫從雷硿留詩品  
未到茗溪聞遂聲轉樹猿吟秋興早橫江鶴夢月華清  
懸知世故浮雲外正擬辭家問廣成

送何繼善出守湖州

黃表

何君湖海豪風格素簡貴時名動京國萬乘親賞味閑  
世嗟瑕瑜虛心動涇渭初持大行節再典司農餼竹符



作諸侯花封趨縣尉出都日次鶉至郡斗建未三勤民  
勸勞五教俗移氣爽溪揀芽人止屋浴蠶嫗行見弛鞭  
蒲坐使詞蔽芾偉哉財賦邦得君 天子慰

經孫太初墓

錢琦

蕭蕭松柏下斜暉千古中藏大布衣應有遺篇埋不住  
年年猶作野花飛

題坦翁神樓圖

閔如霖

夙有危樓好茲將短障裁丹青聊結構山水迺縈迴樹  
杪窓中見嵐光鳥外來自雲依枕席銀漢切尊罍清晝  
鹿常過四時花互開端居臨震澤移興自中臺形勝逾  
三島高明瞰九垓非開侯仙侶直取軼凡埃列子憑虛  
意王生作賦才如逢駕鶴者歡對定徘徊

觀碧巖泉

閔如霖

翠壁峭千仞清泉與衆殊懸流紛若線噴沫散爲珠  
坐寒侵面徐看濕滿襦山僧說靈異旱暵未全無

神樓一何峻有序

朱曰藩

神樓一何峻古清調曲秋胡行也歲戊申大司空安  
仁劉公初度之辰通家小子廣陵朱曰藩感事矢懷  
用此調歌厥樓壽焉公欣然舉觴領之凡七解

神樓一何峻神樓峻而安神樓一何峻神樓峻而安胡  
不京洛遊畏彼狹路間狹路能摧輶險於太行山僊人  
王子喬招我戲雲端笑取雲門瑟洋洋爲我彈歌以言  
志神樓峻而安

紫氣從東來樓中有真人紫氣從東來樓中有真人大

道無我一氣孔神手翳華芝舌嗽龍津高視九州外汗  
漫來相親憶我少年時北海稱主臣歌以言志樓中有  
真人

真人向我言天下方太平真人向我言天下方太平閭  
闔九重無爲自寧紫壇肅肅珮王銅鳴詒我嘉穀異穗  
連莖四方露積如京河湟休用兵歌以言志天下方太  
平

云何高明家鬼必瞰其室云何高明家鬼必瞰其室周  
公大聖人尚不信君奭東征避權首以王執書泣未聞

儿儿外跬步縱赤舄欲犁北庭寬先歎東門窄歌以言  
志鬼必瞰其室

我願樓中人長享黃髮期我願樓中人長享黃髮期逍  
遙九天上高明誠有之嚼蘂挹飛泉肯爲腊毒悲後天  
而不老蟬蛻爾焉知窈窕道之極廣成不吾欺歌以言  
志長享黃髮期

大江浩湯湯歲暮心獨苦大江浩湯湯歲暮心獨苦前  
有毒蛇後有猛虎朔風吹鬚髮短褐裂如縷行宦三年  
歸寧食飲遺母江步豈無舟誰人爲把觴歌以言志歲

真心獨昔

勿歌行路難百年會有役勿歌行路難百年會有役回  
首華陽樓蒼蒼幾千尺帝鄉眇何許俯視一氣白學人  
初入道教坐面石壁三年始與言長跪授老易歌以言  
志百年會有役

哭徐子與

孫 樸

我章江蕭寺居幾煩熊軾問布如一樽未罄黃花酒  
幾日翻成廣柳車固識才華常在世獨憐詩草不通余  
故鄉小阮三千里計去鱗鴻不寄書

滕王高閣及清秋南浦西山併是愁握管正須遺墨在  
轉蓬先並古人遊依歸漫說千年事邂逅差爲十日留  
把酒憑闌爲君酌怒濤飛上木蘭舟

殘年孤櫬客鄉遙送爾臨池魂暗銷廬嶽山頭愜歸路  
武陽河上淚通潮可知無復青牛氣肯信終成白馬謠



靈爽若存竟自渺漫題飛旒爲君招

古意

王思先

萬里客遊心懷劍復負琴劍欲厲壯節琴欲遘知音世  
途久傾仄迴軫阻暮林劍光函陸離琴絃守寂岑

畫龍

王思先

葉公此後無人好誰向庭中畫此形角勢衝開三級浪  
甲光搖落四周星天陰時見排雲氣夜靜如聞嘯雨靈  
試爾將繇雙眼點雷轟破壁便飛騰

寄贈銅壁黃山人

陳曼年

銅壁山人天下奇生來骯髒不受羈舉觴每獨舒白眼  
何人豈肯低雙眉公卿岳伯倒屣接遇以國士傾心咨  
天人洞徹三才備制作精工百代師尋龍討脈直餘事  
剗苓采芝隨所宜輕身放遊不計歲自詫江海今鴟夷  
嗟哉世路何騷屑兼之人事多戚施我湖山水號清遠  
避喧來僦東溪湄與君相去不隔水悠悠空繫長相思  
安得分我一瓢飲對君共話羲皇時夜深明月在天上  
矯首懷君君不知

元日

陳曼年

辛盤初試野人酣歲事方興瓦卦占掃葉小童頻擁簪  
到門貴客每停驂四千拙稿今餘幾八十高年又歷三  
足跡不離茗水上聲名已布大江南

王繼志所居曰無夢洞天題贈四首 陳曼年

千年存古窟此日着狂夫我欲從君借山靈肯許無  
雲月長吐吞松風自吟諷清景果忘言紅塵不闕夢  
仙人跨雀來帝女將花送自起掃雲開雲深復迷洞  
煮石以爲食棲霞不計年誰知巖竇裏有此一壺天

小憇歸雲菴次陳石舟韻

陳曼年

乍入雲林便覺閑  
坐依禪榻竟忘還  
忽看一片雲歸近  
正補窓前缺處山

游黃龍洞

陳曼年

石壁巉巖迴莫攀  
陰寒古洞窈冥間  
腥風忽捲濕雲散  
知是老龍行雨還

送心丁上人攜經入峨眉并東石機師

蔡善繼

無住禪心到處安  
一挑經卷一蒲團  
三春茗雪花初放  
五月峨眉雪正寒  
途路似從天上去  
山河應傍掌中看  
不嫌塵海重攜錫  
慧遠東林席未殘

春日園居

蔡善繼

幽棲未擬絕塵寰  
楚帝橋西水一灣  
樹裏暗浮鄰寺塔  
樓頭青入傍城山  
不緣好客寧沽酒  
祇爲高僧遂出關  
春鳥自鳴花自舞  
禪心竟日與雲閒

吊孫太初墓

山人有  
掛瓢堂

蔡善繼

采菊攜觴薦一卮  
掛瓢堂近隱君祠  
寒雲長護青山骨  
老衲猶藏破壁詩  
人爲紫芝仍娶婦  
天教伯道竟無兒  
還丹不死終難信  
絕代風流是我師

訪韓求仲於東村山居

蔡善繼

偶隨巢許入林巒  
謾道生平未識韓  
樓榭半藏雲霧裏  
人家翻作洞天看  
調成舞鶴能迎客  
種得寒梅已映湍  
容易一丘剛結伴  
相逢何必話長安

茗上逢陳庚老二首

賀燦然

霄上論詩已十年重逢猶是舊青氍天人未射公孫策  
日月空消楊子玄練水淨分天目雨孤城晴散洞庭烟  
不禁相對傷淪落且喜囊多白雪篇

秋聲蕭瑟起巖阿最愛幽人客裏過白髮羨君還矍鑠  
朱顏愧我漸婆婆溪風細細吹蘋蓼山月娟娟上薜蘿  
把酒悲歌追往事那堪歲月易蹉跎

對酒行贈吳子野

賀燦然

延陵貌寢意氣奇平生對酒若有思低回脉脉杯行遲



酒杯落手支兩頤，  
軒聲微微向人吹。  
須臾興發不自持，  
一吸百斗醉莫辭。  
狂歌醉舞脫接離，  
仰天清嘯星河移。  
百年富貴能幾時？  
刀錢山高令人嗤。  
嗚珂佩玉何所爲？  
爭如彩筆光陸離。  
片語得意揚雙眉，  
况復篇翰時淋漓。  
伏爲雄兮飛爲雌，  
繇來此意人不知。  
君有磊砢還向誰？  
與君且盡手中卮。

程六水過草堂寫余小像

盧舜治

寫照翩翩筆有神草堂磅礴繪予真元非錦繡叢中客  
可是丹青畫裏人我亦夢邊還入夢君何身外更求身  
紫芝眉宇愀然色慚愧衣冠此逐臣

陸中山桑苧園

盧舜治

竟陵高士曠人寰結得遽廬桑苧間共惜病容居下澤  
獨將狂態醉中山茶香蟹眼鐫看綠花老鶯喉管鬚斑  
我更識君千古意蘇公渾在文城灣

浣溪沙

沈與求

花信催春入帝關。玉霏爭臘去留間。不禁風力又吹殘。  
客舍不眠清夜冷。紫愁一綬裏。旃檀空。庭月落斗闌干。

浣溪沙

題草窓詩  
詞卷後

李商隱

玉色庭心夜色空  
移春小檻闌春紅  
輕衫短帽醉歌鐘  
綠扇舊題烟雨外  
玉簫新譜燕鶯中  
闌干到處是春風

歌鐘

詩餘補遺

雨中花令

吳興道中頗厭行役  
作此曲寄武林交舊

周紫芝

山雨細泉生幽谷水滿平田雪繭紅蠶熟後黃雲隴麥  
秋間武陵烟暖數聲鷄犬別是山川嗟老去倦遊蹤  
跡長恨華顛行盡吳頭楚尾空慚萬壑千岩不如休也  
一庵歸去依舊雲山

瑞鶴仙

餞交代沈公雅臺山寺作

趙彥端

攬垂楊細折有別情遺愛與君都說文茵帶珣玳是行  
春來處去年阡陌桑桑半葉轉光風輕颺秀麥正人間

共約耕相借牛，社相留客。清絕溪山，猶記脫帽吟風。  
倚樓招月，東君何事，將春至放春歇。道從今江上一花  
一柳，皆想油幢瑞節。縱離愁瘦減腰圍，帶金正曄。

念奴嬌

建安歲交  
代沈公雅

趙彥端

棠陰綠遍，正金菊芙蓉爭放。時節滿路歌謠，民五袴底  
事逢車。催發綠門攀轅臥轍，何計留連得故園花。  
柳成憔悴，難說今夜祖席紅亭，主人來日已是朝  
天客。旂旆匆匆從此去，賞湖風月，眷戀無因笑啼。  
不敢那忍傷輕別情，難駐一杯聊送行色。

木蘭花慢

已未十月十七日  
壽溪月真人

張雨

試瑤臺借雪春意早滿林巒笑東老殷勤能傾家釀與  
清歡曾因求賢把詔便朗吟湓浦又廬山自愛西湖煙  
雨玉鞭分付青鸞神仙宮府肯容閒樞要在玄關有  
溪上金鰲月中金粟長駐嬰頰願似洪厓橘木儘千年  
遊戲向人間早晚鳳池書到通明殿上催班

又

龜溪寄  
張小山

張雨

問出山小草誰與伴五湖遊便一昔風光桃花流水杜  
若芳洲來時洞門無鎖倩鶴羣長繞待仙樓邂逅小山

招隱依然我輩清流  
春愁未戀任餘不寒擁敝貂裘  
奈雨柳煙花雲帆溪鳥都在簾鉤眼前自無俗物動山  
心嫌聽鹿呦呦猛把石闌干拍賈胡知爲誰留

梧葉兒

贈龜溪醫隱  
唐茂之二首

張雨

參苓籠山水間好處在西開放取詩瓢去携將酒榼還  
倩歌鬟休舉似江南小山

移家去市隱間幽事頗相關劉商觀碁罷韓康賣藥還  
點檢綠雲鬟數不盡龜溪好山

天仙子

題趙仲穆  
蘭二首

李應禎



憶昔維舟湘水曲，露浥芳蕤飄遠馥。  
褰裳徐步踏晴沙，東一簇西一簇，盡日徘徊看不足。  
嘆惜光陰如轉轂，老去觀圖，指病目。  
闕七字一句花絕俗，葉絕俗，想象王孫清似玉。

公子才華偏醞藉，九畹春光生筆下。  
幻成花葉恰如真，他看罷咱看罷，不信根苗原是盡。  
醉眼摩挲驚復訝，端的人能移造化。  
闕同上風不謝雨不謝，一任卷將堂上掛。

高陽臺

題趙仲穆作野雲居士山水便面

張翥

藝文補

卷七十

三十三

補遺

染黛浮空凝妝佇遠數峯底事含顰十樣新眉從他雨  
抹煙勻龍綃便面宜歌舞看亭亭玉骨水神幾銷魂翠  
被餘香錦瑟清塵如今歸去湖山畔對一川平野一  
片閑雲雨雨漁舟相過桂渚蘭津誰將玉斧修明月柰  
瑤樓高處無人憶王孫芳草江南啼鴉殘春

滿江紅

錢舜舉桃  
花折枝

張翥

前度劉郎重來訪玄都燕麥回首地暗香銷盡暮雲低  
碧啼鳥猶知人悵望東風不管花狼籍又淒淒紅雨夕  
陽中空相憶繁華夢渾無迹丹青筆還留得恍一枝

長見故園春色塵世事多吾欲避武陵路遠誰能覓但有山可隱便須歸栽桃客

孤鸞

題錢舜舉仙女梅下吹笛圖

張翥

江皋空闊更半霎輕風些兒微雪倚樹仙姬翠袖暮寒應怯閑拈玉龍自品愛冰姿與花爭潔一闌霓裳乍了落梅花初疊怕曲終人去彩雲絕便夢斷瑤臺春思愁結那堪綠毛么鳳向苔枝數聲啼咽留得餘香滿袂已西山斜月

感皇恩

題趙仲穆画凌波水仙圖

張翥

湖水冷涵秋行雲平貼時見驚鴻度蘋末霧髮烟佩微  
步一川涼月軟波擎不定龍綃襪 楚楚紉蓮情情瑤  
瑟照影明璫兩清絕記人何處起舞爲誰輕別數峯江  
上晚秋愁疊

憶秦娥

并序

倪瓚

昨日嘗賦憶秦娥一首以介石齋前木犀盛開俾具  
一卮酒無使花神笑人寂寞蓋以風雨傷懷耳茲重  
改呈又作一首共寫呈二君却不可默然也

扶疎王蟾宮樹影闌干曲一襟香露幾枝金粟

姮娥

鏡掩秋雲綠無端風雨聲相續不須澄霽爲酤醕醕  
參差玉笙聲莫起瑤臺曲輕風香浸夜涼肌粟黃雲  
巧綴飛霞綠清吟未斷秋霖續恐孤花意倒尊中醕

沁園春

景炎丁丑流寓所賦  
長興和平陽府題

鴈峯劉氏

我生不辰逢此百罹况乎亂離奈惡因緣到不夷不爭  
被擒捉去爲妾爲妻父母公姑弟兄姊妹流落不知東  
與西心中事把家書寫下分付伊誰越人北向燕支  
回首望鴈峯天一涯奈翠鬟雲軟笠兒怎帶柳腰春細  
馬性難騎缺月疎桐淡烟衰草對此如何不淚垂君知  
否我生于何處死亦魂歸

踏莎行

香奩  
八咏

王國器

寶鏡凝膏溫泉流膩瓊纖一把青絲墜冰膚清淺麝煤

春花香石髓和雲洗 玉女峯前咸池月底臨風輕把

犀梳理陽臺行雨乍歸來羅巾猶帶瀟湘水

右詠金盆沐髮

冰鑑懸秋瓊腮凝素鉛華夜搗長生兔玉容自分比嫦

娥粧成但恐嫦娥妬 花影涵空蟾光籠霧芙蓉一朵

溽秋露年年只在廣寒宮今宵鸞影驚相遇

右詠月面

粉結紅冰香消獺髓鏡鸞影裏人憔悴梨花帶雨不禁

愁玉纖彈盡真珠淚 恨鎖春山嬌橫秋水臉桃零落

胭脂碎故將羅帕搵啼痕寄情欲比相思字

右詠玉頰啼痕

淡掃春痕輕籠芳靨捧心不效吳宮怨楚梅酸感翠尖

纖湘烟碧聚愁萋萋  
紺羽寒凝月鈞金  
灩鶯吭咽處

微偷欽新翻嫵態太  
阿嬌鏡中娥綠和香點

右詠黛眉顰色

金谷遊情消磨不盡  
軟紅香裏雙鴛印蘭膏  
步滑翠生

痕金蓮脫落凌波影  
蝶徑遺蹤雁沙凝潤爲誰留下

東風恨玉兒飛化夢中  
雲青蘋流水空仙詠

右詠芳塵春跡

烟冷瑤櫺神遊貝闕  
芙蓉城裏花如雪  
仙郎同躡鳳皇

翎千門萬戶背明月  
海碧山青天荒地老  
滿身風露

飄環玦高樓畫角苦無情  
一聲吹散雙飛蝶

右詠雲窗秋夢

翠藻文鴛交枝連理  
金鍼處渾如醉楊花  
一點是春



心鵑聲啼到人千里 喚醒遊魂猶疑夢裏此情恰似

東流水雲窗霧閣没人知綃痕挹透紅鉛淚

右詠繡  
林凝思

暗擲龍文尋盟鸞鏡龜兒不似青蛱準花房羞化彩蛾

飛銀橋密遞仙娥信 錦屋瑤樓薄情飄性望雲望斷

紅輪暝珠簾立盡海棠陰怎當遙夜鴛衾冷

右詠金  
錢卜歡

詩餘

點絳脣

山行

陳敬則

翠嶺盤回洞門都是雲封鎖孤村烟火一望情無那

緩步看山只有雲隨我尋誰可黃鸝飛過颺落櫻桃顚

南柯子

山居野集

陳敬則

竹徑沿溪入柴門嵌柳開小橋流水白雲堆不是幽人

誰向此中來掃石攤詩卷攀花記酒盃小童休報夕

陽催自有一川明月送人回

浣溪紗

陳曼年

半扇門見手自推夜深風急峭寒催打牕落葉萬千迴  
人影相依燈影坐應聲又帶雨聲來倩誰將箇好懷  
開

朝中措

陳曼年

城隅斜瞰小橋橫住久不知名那管催詩客至何嫌看  
竹人行而今懶也梳頭長是午飯雞聲却有鄰翁作  
證道余懶是生成

疎簾淡月

山居爲韓仲子作

董斯張

貪竒捏怪記薄倖名傳醉侯曾拜香老春蕪償儘迷樓  
花債回頭月落流鶯外辜負殺遠山橫黛一篙浪碧簾  
興十里明朝難待儂自有鹿車同載檢點家風江梅  
宛在玉礪多情蕙草也成艾帶黑研香壁烏絲界奇絕  
處夏雲初賽枕中驚覺松風夢好挂瓢人再

桃源憶故人

采桑

董斯張

一庭麥雨薔薇亞穠綠描成新夏蠶市今番來也剛值  
開園罷碧雲叢裏紅衫錯認海棠花謝剪得半筐

歸舍釵挂桑枝下

好事近

竹溪寒汎

董斯張

一棹夕陽天招取水雲同宿壓遍短橋衰柳雪顛花成  
六 斫將濕葦着紅鑪杯寫三蕉綠搖碎斷冰回去有  
漁簑相逐

沁園春

報國寺偈放生社

董斯張

歷劫無明食前方丈饑火燒喉歎口似血盆刀砧滋味  
牙如劍樹冤業風流三寸纏過便成何物性命償他沒  
斷頭君知否一般疼痛雨箇骷髏 勸伊及早薰修向